



Na osnovu člana 22 Statuta Brčko distrikta BiH (Službeni glasnik Brčko distrikta BiH, broj: 17/08), člana 64 Poslovnika o radu Skupštine Brčko distrikta BiH (Službeni glasnik Brčko distrikta BiH, broj: 17/08), člana 3 Zakona o javnim preduzećima u Brčko distriktu BiH (Službeni glasnik Brčko distrikta BiH, brojevi: 15/06, 5/07, 1/08, 19/07 i 24/08) i Prijedloga odluke gradonačelnika broj: 01.1-02-033922/09 od 21. 10. 2009. godine, Skupština Brčko distrikta BiH, na 15. redovnoj sjednici održanoj 28. oktobra 2009. godine, donosi

ODLUKU
O IZMJENAMA I DOPUNAMA ODLUKE O OSNIVANJU JAVNOG PREDUZEĆA
„KOMUNALNO BRČKO“ D.O.O. BRČKO DISTRIKT BiH

Član 1

U Odluci o osnivanju javnog preduzeća „Komunalno Brčko“ d.o.o. Brčko distrikt BiH (Službeni glasnik Brčko distrikta BiH, broj: 20/07) član 6 mijenja se i glasi:

„Član 6

(Djelatnosti od općeg interesa)

U skladu sa Zakonom o klasifikaciji djelatnosti u Brčko distriktu BiH (Službeni glasnik Brčko distrikta BiH, broj: 8/07), i Odlukom o klasifikaciji djelatnosti u Brčko distriktu BiH (Službeni glasnik Brčko distrikta BiH, broj: 15/07), preduzeće obavlja djelatnosti od općeg interesa i to kako slijedi:

01.412 Uređivanje i održavanje parkova, zelenih i rekreacionih površina;

45.340 Ostali instalacioni radovi;

40.130 Distribucija i prodaja električne energije;

41.000 Sakupljanje, prečišćavanje i distribucija vode;

63.210 Ostale prateće djelatnosti u kopnenom saobraćaju;

70.200 Iznajmljivanje nekretnina za vlastiti račun;

90.010 Prikupljanje i obrada otpadnih voda;

90.020 Prikupljanje i obrada drugog otpada;

90.030 Sanitarne i druge djelatnosti.“

Član 2

Član 7 mijenja se i glasi:

„Član 7

(Djelatnost preduzeća)

„(1) U skladu sa Zakonom o prijenosu, regulatoru i operatoru sistema električne energije u Bosni i Hercegovini (Službeni glasnik BiH, broj: 7/02), registrovane djelatnosti Preduzeća iz člana 6 odluke koje su u direktnoj i indirektnoj vezi sa obavljanjem elektroprivrednih djelatnosti preduzeće obavlja u skladu sa dozvolom datom od strane Državne regulatorne komisije za električnu energiju.

(2) Pored registrovanih djelatnosti kako su navedene u članu 6 odluke, Preduzeće može obavljati i druge djelatnosti koje služe registrovanim djelatnostima, uključujući i ne ograničavajući se na: razvoj, projektovanje, izgradnju i održavanje tehničkih sistema, vodovodne i kanalizacione mreže, razvoj i korištenje telekomunikacija, informativnu i naučnoistraživačku djelatnost u oblasti elektroprivrede i vodoprivrede, djelatnost geoloških ispitivanja i druge djelatnosti koje omogućavaju kvalitetnije obavljanje djelatnosti upisanih u sudski registar, a koje ne predstavljaju samostalnu aktivnost Preduzeća koje imaju za cilj ostvarivanje dobiti.

(3) U slučaju namjere građenja ili značajnih investicija u izgradnji elektroenergetskih objekata od strane Preduzeća, Preduzeće pribavlja posebnu dozvolu od Državne regulatorne komisije za električnu energiju. Građenje ili značajna investicija u izgradnji elektroenergetskih objekata u smislu ove odredbe predstavlja

svako ulaganje, namjeru ulaganja, te obavljanje aktivnosti na realizaciji takvog ulaganja koje nije u direktnoj vezi sa djelatnošću elektrodistribucije ili prodaje električne energije kupcima na teritoriji Distrikta.“

Član 3

Iza člana 7 dodaje se član 7a koji glasi:

„Član 7a

(Distribucija električne energije)

(1) U cilju nesmetanog funkcionisanja tržišta električne energije, Preduzeće je dužno osigurati da je distributivna mreža dostupna svim korisnicima na objektivnan, transparentan i nediskriminirajući način.

(2) Preduzeće je dužno omogućiti prijenos električne energije kroz svoju mrežu kao i distribuciju električne energije na svom području na osnovu zahtjeva snabdjevača.

(3) Preduzeće ima pravo i obavezu vršiti snabdijevanje korisnika sistema i kupaca električnom energijom na svom području djelovanja, ako je tako utvrđeno u dozvoli za rad. Područje djelovanja u smislu ovog člana jeste teritorija Distrikta.

(4) Za razvoj, pogon, upravljanje i održavanje distributivne mreže odgovorno je Preduzeće.

(5) Preduzeće garantuje pouzdanost rada distributivne mreže i održavanja parametara kvaliteta električne energije, osigurava usklađeno djelovanje distributivne mreže sa prijenosnom mrežom te priključenim mrežama i postrojenjima korisnika, daje informacije Nezavisnom operatoru sistema i Državnoj regulatornoj komisiji za električnu energiju o budućim potrebama za električnom energijom i osigurava pristup distributivnoj mreži za treće strane prema utvrđenim kriterijima.

(6) Preduzeće priprema kratkoročne i dugoročne planove razvoja i izgradnje distributivne mreže. Planovi razvoja i izgradnje prilikom pripreme se usklađuju sa strategijom energetskog razvoja BiH. Državna regulatorna komisija za električnu energiju odobrava planove za razvoj i izgradnju distributivne mreže i utvrđuje naknade za korištenje distributivne mreže.

(7) U pogledu pitanja mogućnosti i prava pristupa distributivnoj mreži Preduzeće je dužno primjenjivati Mrežna pravila koja donosi Državna regulatorna komisija za električnu energiju.

Član 4

U članu 8, iza stava 1 dodaju se novi stavovi 2 i 3 koji glase:

„(2) Svaka promjena djelatnosti Preduzeća koja se direktno ili indirektno odnosi na elektroprivrednu djelatnost koju Preduzeće obavlja ili namjerava obavljati predmet je razmatranja i dozvole od strane Državne regulatorne komisije za električnu energiju BiH.

(3) Ukoliko Preduzeće promijeni vlasničku strukturu na način da se mijenja vlasnik Preduzeća ili vlasnik većinskog udjela, odnosno kontrolnog udjela Preduzeća ili se zahtijeva prijenos dozvole za rad, promijenjene okolnosti, odnosno prijenos moraju biti odobreni od Državne regulatorne komisije za električnu energiju.“

Član 5

Član 12 Odluke se briše, a članovi 13, 14, 15, 16, 17, 18, 19, 20, 21, 22, 23, 24, 25 i 26, postaju

članovi 12, 13, 14, 15, 16, 17, 18, 19, 20, 21, 22, 23, 24 i 25.

Član 6

Novi član 12 mijenja se i glasi:

„Član 12

(Infrastruktura od općeg interesa)

(1) Imovina na kojoj Preduzeće ima pravo korištenja i upravljanja jeste infrastruktura popisana i utvrđena Izvještajem o popisu infrastrukture od općeg interesa sačinjena sa stanjem upisa Preduzeća u sudski registar i ne predstavlja imovinu Preduzeća, kao i druga infrastruktura od općeg interesa koju Vlada Distrikta izgradi sopstvenim sredstvima.

(2) Infrastrukturu od općeg interesa čine:

- a) distributivni sistem koji čine elektroenergetski objekti, odnosno postrojenja i vodovi niskog i srednjeg napona kojima se distribuira električna energija kupcima;
- b) vodni objekti putem kojih se proizvodi, distribuira, odvodi i prečišćava voda;
- c) deponije.

(3) Infrastruktura od općeg interesa je u vlasništvu osnivača.

(4) Preduzeće je obavezno da o svom trošku održava infrastrukturu kojom upravlja u stanju koje omogućava nesmetano i kontinuirano pružanje usluga Preduzeća pri obavljanju svih djelatnosti.

(5) Izuzetno, imovina koja je aktom o osnivanju Preduzeća definisana kao infrastruktura od općeg interesa može postati vlasništvo Preduzeća ukoliko je finansirana iz prihoda od obavljanja djelatnosti Preduzeća.“

Član 7

Novi član 14 mijenja se i glasi:

„Član 14

(Unutrašnja organizacija i sistematizacija radnih mjesta)

(1) Unutrašnja organizacija Preduzeća, sistematizacija radnih mjesta i opis poslova i zadataka reguliše se Pravilnikom o unutrašnjoj organizaciji i sistematizaciji radnih mjesta koji na prijedlog direktora Preduzeća, donosi upravni odbor.

(2) Pravilnikom o unutrašnjoj organizaciji i sistematizaciji radnih mjesta uspostavljaju se odvojeni organizacioni dijelovi Preduzeća koji se bave osnovnim djelatnostima Preduzeća, naročito dio koji je zadužen isključivo za poslove distribucije električne energije te dio zadužen za druge komunalne poslove.“

Član 8

U novom članu 18, iza stava 4 dodaju se novi stavovi 5 i 6 koji glase:

„(5) Upravni odbor najmanje jednom godišnje izvještava Skupštinu Distrikta o svom radu. Izvještajem o radu Preduzeća, upravni odbor izvještava odvojeno o osnovnim djelatnostima Preduzeća.

(6) Saglasno Zakonu o prijenosu, regulatoru i operatoru sistema električne energije Bosne i Hercegovine, upravni odbor Preduzeća je dužan:

- a) pripremiti informaciju o predviđenim potrebama za električnom energijom za narednu godinu, najkasnije do 30. septembra tekuće godine i dostaviti je Državnoj regulatornoj komisiji za električnu energiju i Nezavisnom operatoru sistema;
- b) dostaviti Državnoj regulatornoj komisiji za električnu energiju i Nezavisnom operatoru sistema, na njihovo traženje, svaku informaciju, direktno ili indirektno u vezi sa obavljanjem poslova distribucije električne energije.“

Dosadašnji stav 5 koji postaje stav 7 mijenja se i glasi:

„(7) Sjednicama upravnog odbora prisustvuje direktor Preduzeća bez prava glasa .“

Član 9

Novi član 22 mijenja se i glasi:

„Član 22

(Obavezne rezerve)

(1) Preduzeće je dužno da formira obavezne rezerve.

(2) Obavezne rezerve Preduzeća formiraju se iz neto dobiti Preduzeća ostvarenoj saglasno godišnjem finansijskom izvještaju.

(3) Statutom Preduzeća bit će utvrđen iznos obaveznih rezervi te rokovi u kojima je rezerve neophodno uspostaviti.

(4) Sredstva iz obaveznih rezervi mogu se koristiti za pokrivanje gubitaka Preduzeća, a za druge svrhe sredstva iz obaveznih rezervi mogu se koristiti samo na osnovu odluke upravnog odbora Preduzeća.“

Član 10

Novi član 25 mijenja se i glasi:

„Član 25
(Cijene usluga)

(1) Cijene koje se odnose na uslugu distribucije električne energije jesu regulisane cijene i iste utvrđuje Državna komisija za električnu energiju na osnovu izvještaja o opravdanim troškovima distribucije koju dostavlja upravni odbor Preduzeća istovremeno sa informacijom iz odredbe člana 18 stava 6 ove odluke.

(2) Naknadu za priključenje novog korisnika na distributivnu mrežu ili povećanje priključne snage postojećeg objekta korisnik plaća Preduzeću. Strukturu i ukupan iznos naknade za priključak, odnosno povećanje priključne snage utvrđuje Državna regulatorna komisija za električnu energiju.“

Član 11

Iza novog člana 25 dodaje se novi član 26 koji glasi:

„Član 26
(Cijena ostalih komunalnih usluga)

(1) Cijene komunalnih usluga koje se odnose na odvoz smeća i isporuku vode utvrđuje upravni odbor Preduzeća uz prethodnu saglasnost Osnivača.

(2) Cijene ostalih komunalnih usluga koje Preduzeće pruža potrošačima na teritoriji Distrikta utvrđuje upravni odbor Preduzeća.,,

Član 12

Član 29 mijenja se i glasi:

„Član 28
(Akti Preduzeća)

Opći i pojedinačni akti Preduzeća će biti usklađeni sa Zakonom o javnim preduzećima u Brčko distriktu Bosne i Hercegovine te propisima kojima su regulisane komunalne usluge i elektroprivredne djelatnosti.“

Član 13

Član 31 mijenja se i glasi:

„Član 31
(Poslovne knjige i računovodstveni izvještaji)

(1) Preduzeće je dužno voditi ažurne poslovne knjige i raditi finansijske izvještaje saglasno propisima i međunarodnim računovodstvenim i revizijskim standardima.

(2) Preduzeće je dužno poslovne knjige, finansijske izvještaje, odnosno računovodstvo koje je direktno i indirektno vezano za djelatnost elektrodistribucije voditi odvojeno od drugih djelatnosti koje Preduzeće obavlja.“

Član 14

Iza člana 37 dodaju se novi članovi 37a i 37b koji glase:

„Član 37a
(Dobijanje dozvole za rad)

Preduzeće je dužno u roku od 30 dana od dana stupanja na snagu ove odluke podnijeti zahtjev Državnoj regulatornoj komisiji za električnu energiju za dobijanje dozvole za rad u pogledu djelatnosti distribucije električne energije.

Član 37b
(Rok za usaglašavanje Statuta)

Preduzeće je dužno usaglasiti Statut Preduzeća i druge opće akte sa ovom odlukom u roku od 60 dana od dana stupanja na snagu ove odluke.“

Član 15

Ova odluka stupa na snagu danom donošenja i objavit će se Službenom glasniku Brčko distrikta BiH.

Broj: 01-02-138/09
Brčko, 28. 10. 2009. godine

PREDSJEDIK
SKUPŠTINE BRČKO DISTRIKTA BiH

Mirsad Đapo, dipl. pravnik

Dostavljeno:

1. Predsjedniku
2. Potpredsjedniku
3. Gradonačelniku
4. Odjeljenju za komunalne poslove
5. Javnom preduzeću „Komunalno Brčko“ d. o. o. Brčko distrikt BiH
6. Sekretarijatu Vlade – Sektoru za opće poslove
7. Sekretarijatu Vlade – Sektoru za pravne poslove
8. Arhivi